

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXXVIII. De examine Studentium Congregationis S. Marci Ordinis  
Prædicatorum.

---

[urn:nbn:de:hbz:466:1-74715](#)

ANNO

1696.

Decretum  
Congregationis pro  
Officio &  
Missa sub ritu  
2. Clas. cum  
octava una  
cum afferitu  
Pontificis.

# INNOCENTIUS DUODECIMUS.

273

ANNO

1696.

Fratris Bernardi de Carignena, & Spenza Vicarii, & Procuratoris Generalis Ordinis Beatae Mariæ Virginis de Mercede Redemptionis Captivorum ab Eminentiss., & Reverendiss. Dom. Cardinale Casaneta relatas, auditio tam in scriptis, quam in voce Reverendiss. Archiepiscopo Myren, fidei Promotore, utriusque sexus Religiosi Ordinis prædicti in posterum recitandi Officium, & Missam celebrandi de B. Petro Paschacio Martye, & Episcopo Giennensi, sub rito dupli secundæ Clasii cum octava alias sub rito dupli concessa, facultatem concedi posse censuit, si Sanctiss. Dom. Nostr. placuerit, Die 18. Junii 1695. - Facta igitur deinde per me Secretarium de prædictis Sanctiss. Dom. Nostro relatione, Sanctitas Sua benigne annuit. Die 22. ejusdem Mensis, & anni 1695. - A. Cardin. Cybo. Loco + Sig. - B. Inghirami S. Rit. Congr. Secretarius.

Preces Pro-  
curatoris  
Gen.

Confirmatio  
relati De-  
creti.

Clausula.

§. 1. Cum autem sicut dictus Bernardus Vicarius, & Procurator Generalis Nobis nuper exponi fecit; ipse Decretum hujusmodi, quo firmius subsistat Apostolica confirmationis nostræ patrocinio communiri summopere desiderer: Nos ipsum Bernardum Vicarium, & Procuratorem Generalem specialis favore gratia prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penitentia jure, vel ab homine quavis occasione, vel causa lati si quibus quomodolibet innodatus existit ad effectum præsentium dumtaxat consequendum harum serie absolventes, & absolutos fore censentes, supplicationibus ejus nomine Nobis super hoc humiliter porrectis inclinati, Decretum præfertum auctoritate Apostolica tenore præsentium approbamus, & confirmamus, illique inviolabilis Apostolicae firmitatis robur adjicimus, salva tamen semper in præmissis auctoritate memorata Congregationis Cardinalium.

§. 2. Decernentes easdem præsentes literas, semper firmas, validas, & efficaces existere, & fore, suofoque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari. Sicque & non aliter in præmissis per quoscumque Judices ordinarios, & Delegatos etiam caularum Palatii Apostolici Auditores, judicari, & definiri debere; ac irritum, & inane si fecus super his a quocquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contraria quibuscumque.

§. 4. Volumus autem, ut earumdem præsentium literarum transumptris, seu exemplis, etiam impressis manu alicuius Notarii publici subscriptis, & sigillo personæ in Ecclesiastica dignitate constituta munitis, eadem prorsus fides ubique locorum habeatur, que haberetur ipsis presentibus, si fore exhibitur, vel ostenta-

Datum Romæ apud S. Mariam Majorem sub Annulo Pisc. die VI. Julii MDCXCVI. Pontificatus nostri Anno Quinto.

LXXVIII.

Conceditur Studentibus Congregationis S. Marci Provincia Rom. Ord. Prædicatorum, ut ipsi in eorum Collegio examinari valeant pro Lectoratu.

Const. ed. 1693. Oct. 20. P. 3. concessum fuit prædicto Studentibus facultas studendi in Canobio Sancti Marci. Et Const. ed. 1695. Jun. 14. P. 4. ercta fuit d. Congregatio. Bened. vero XII. Constitut. ed. 1726. Feb. 8. P. 2. de receptione Religiosorum Congregationis S. Marci, & S. Jacobi Venet.

# INNOCENTIUS PAPA XII.

Ad futuram rei memoriam.

Exponi Nobis nuper fecerunt dilecti filii Vicarius Generalis, & Fratres Congregationis Sancti Marci Provinciae Romanae Ordinis Prædicatorum, quod cum alias nos per quædam nostras in simili forma Brevis literas die 20. Octobris 1693, expeditas tunc, & pro tempore existentibus Fratribus Studentibus, seu Alumnis ejusdem S. Marci Florentin., Sancti Dominici Fesulan., ac Sancti Jacobi Civitatis Sancti Miquitatis respective Conventuum dicti Ordinis indulserimus, ut Studia sua in prædicto Conventu S. Marci peragere possent cum iisdem omnino privilegiis, ac si illa in Sanctæ Mariæ super Minervam de Urbe, sive in Perusino respective Conventibus Provinciae prefata peragerent, dummodo tamen Studiorum suorum hujusmodi curriculo exacto pro gradu Lectoris sufficiendo examini in eodem Conventu S. Mariæ super Minervam habendo se subjicerent, quemadmodum hucusque observatum fuit; Subinde vero nempe anno 1595. Conventus supradictos, quo magis regularis observantia in illis stabilitur, ab omni, & quacunque jurisdictione, ac Superioritate tunc, & pro tempore existentis Prioris Provincialis memorata Provinciae perpetuo exemerimus, & plenarie liberaverimus eosque in præfatam S. Marci Provinciae Romanae nunquam Congregationem per Vicarium Generalem a similiter pro tempore existente Magistro Generali dicti Ordinis instituendum, regendam, & gubernandam sub certis modo, & forma tunc expressis pariter perpetuo exeremus, & infirmerimus; ipsi exponentes, quo ejusmodi opus absolutum, perfectumque redatur, omniaque cum majori eorum commodo pace, & quiete, ac mentis in Deum recollectione peragantur, plurimum cupiunt, se illa Studentes, seu Alumnos suos præfatos ad dictum Conventum S. Mariæ super Minervam, cui nullatenus amplius subjacere dignoscuntur pro coram ad Lectoris gradum hujusmodi examine transmittendi lege solvi, itant illi de cetero in eodem Conventu S. Marci pro gradu prædicto ad præscriptum Constitutionum dicti Ordinis examinari valeant quemadmodum in pluribus, & diversis, nempe in Sanctæ Mariæ, de Sanitate Neapolitan., S. Marci de Gavotis, SS. Rosarii Venetiarum respective nuncupatis, aliisque Fratrum ejusdem Ordinis Congregationibus fieri conuenit.

§. 1. Nos igitur ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penitentia jure, vel ab homine quavis occasione, vel causa lati si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati de Venerabilium Fratrum Nostrorum S. R. E. Card., & dilectorum filiorum Romanae Curie Prælatorum super disciplina Regulari specialiter a nobis deputatorum consilio, ut Fratres dicta Congregationis S. Marci in posterum examinari, & Lectores creari, seu habiles ad legendum declarare valeant in eodem Conventu Sancti Marci tamquam in Studio formalis, dummodo quinque saltē examinatores, videlicet, Vicarius Generalis ejusdem Congregationis, seu Prior Conventus supradicti pro tempore existentes, necnon duo Scholasticae, alter moralis Theologia, & alius Philosophia in Conventu præfato Lectores adhibeantur, ceteraque omnia serven-

Concessio  
præd., &  
forma ex-  
aminis.

Epilogus  
præd. dia-  
rum Consti-  
tutionum.

Dic. 23. Julii  
1696. An. 6.

serventur, quæ ad id per Constitutiones Ordinis hujusmodi, ac ordinaciones Capitulorum Generalium ipsius Ordinis prescribantur, auctoritate Apostolica tenore praestantium indulgemus.

**S. 2.** Decernentes easdem praesentes literas, semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari: Sicque in præmissis per quoconque Judices Ordinarios & Delegatos etiam Causarum Palatii Apostolici Auditores, judicari, & definiti debere; ac irritum, & inane si fecus super his a quoquam quavis auctoritate scienter, vel ignoranter contigerit attentari.

**S. 3.** Non obstantibus præmissis, ac Constitutionibus, & Ordinationibus Apostolicis, necnon quatenus opus sit Ordinis, Congregationis, & Conventuum prædictorum, aliisque quibusvis etiam Juramento, confirmatione Apostolica, aut quavis firmitate alia roboris statutis, & consuetudinibus; privilegiis quoque, Indultis, & Literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores praestantibus pro plene, & sufficienter expressis, ac ad verbum inserunt habentes, illis alias in suo labore permanens, ad præmissorum effectum hac vice dumtaxat specialiter, & ex parte derogamus ceterisque contrariis quibuscumque.

Datum Romæ apud S. Mariam Majorem sub Annulo Piscat die XXIII. Julii MDCXCVI. Pontificatus nostri Anno Sexto.

## LXXIX.

Extenduntur Indulgencie, & gratiae Spirituales Confraternitatibus SS. Sacramenti concessæ ad Confraternitates Decem Virtutum Beatæ Mariae Virginis.

A Paulo III. concessa fuere dd. Indulgencie, & Gratiae, & postea confirmata ab Innoc. XI. Conf. 1678. Off. I. P. 2. De d. Confraternitate vide Constitutiones infra laudatas.

Dat. 4. Oct. 1696. An. 6.

## Exordium.

Cœlestium munerum Thesauros, quorum dispensationem fidei nostra commisit Divina dignatio, prudenti liberalitate libenter erogamus, cum id pia Christifidelium, praesertim sub suavi Religionis iugo Altissimo famulantium, proprieaque, ac alienæ saluti laudabiliter incumbentium vota postulante, & nos ad augendum Sanctissimi, Augustissimique Corporis, & Sanguinis Dom. N. Jesu-Christi cultum, & venerationem id speramus in Domino profuturum.

**S. 1.** Alias siquidem de mandato fel. record. Clementis PP. X. Prædecessoris nostri emanavit a Congregatione tunc existentium S. R. Ecclesiæ Cardinalium Indulgencie, & Sacris Reliquis præpositorum Decretum tenoris, qui sequitur, videlicet - Licer S. M. Paulus Papa III. per binas suas Constitutiones concesserit, ut Sanctissimi Corporis Christi Confraternites omnes, & singula ubivis locorum instituta, ac instituenda, iisdem privilegiis, concessionibus, Indulgencie, gratiis, indultis, quæ Confraternitati Sanctissimi Sacramenti in Ecclesia S. Mariæ super Minervam de Urbe erecta largitus fuerat in posterum largiretur, uti, potiri, & possent, ac deberent; quia tamen per nonnullas Apostolicas Constitutiones, & Ordinationes, quæ deinceps emanarunt, praesertim vero similis memoriae Cle-

mentis VIII. Constitutionem de aggregationibus editam, facultates, & Indulgencie, tam supradictæ Sanctæ Mariæ de Minerva, quam ceteris omnibus Confraternitatibus antea concessæ, aut abrogatae, aut saltem moderata comperiuntur, aliaque hoc de genere decreta sunt, ex quibus in dubium revocari posse videtur, an hujusmodi Pauli III. concessiones pristinum suum robur adhuc retineant; Congregatio Eminentissimorum, & Reverendissimorum S. R. E. Cardinalium Indulgencie, Sacrifice Reliquis Praefectorum optans summopere Sanctissimam venerationem, & cultum in dies magis augeri, & ob eam causam hujusmodi Societatem in omnibus Ecclesiis Parochialibus erigi, atque ad id Christifideles præcipuis gratis excitari; speciali ordine habito vivæ vocis oraculo a Sanctiss. D. N. Clemente Papa X. feliciter. Pauli V. vestigiis inherente, decernit, ac declarat, juxta easdem Pauli III. Constitutiones Confraternitates omnes, & singulas Sanctissimi Corporis Christi, ubique terrarum habentias Apostolica, vel ordinaria auctoritate erectas, aut posthac erigendas, absque nova, aut peculiari alia concesione, communicatione, vel aggregatione fore, & esse debere participes quorundamque Privilegiorum, concessionum, Indulgenciarum, facultatum, gratiarum, & Indultorum ab eodem Paulo III. Archiconfraterniti Sanctissimi Sacramenti de Minerva per Breve datum Roma apud Sanctum Petrum die tertia Novembri 1666. nominatum, & expressi concessorum, ac in posterum a Sede Apostolica concedendorum, illisque omnibus, & singulis uti, potiri, & gaudere posse, ac debere statim, atque Confraternitatum earundem erectorum Apostolica, vel Ordinaria auctoritate facta fuerit; servata tamen in reliquis omnibus prædicta Clementis VIII. Constitutione. Non obstantibus Constitutionibus, & Ordinationibus Apostolicis de Indulgencie ad instar non conceden, nec aliis contrariis quibuscumque. Datum Romæ die 23. Apr. 1676. C. Cardinalis Maximus - Michael Angelus Riccius Secretarius.

**S. 2.** Postmodum vero recolenda memorie Innocentius Papa XI. pariter Prædecessor noster Decretum hujusmodi, toto illius tenore inserto sub certis modo, & forma tunc expressis auctoritate Apostolica approbavit, confirmavit, & innovavit, prout in ipsius Innocentii Prædecessoris Literis desuper in simili forma Brevis die 1. Octobris 1678. expeditis, quarum tenorem praestantibus pro plene, & sufficienter expresso, & inserto haberi volumus uberioris continetur.

**S. 3.** Cum autem sicut pro parte dilectorum Missionariorum Ordinis Minorum S. Francisci de Observantia nuncupatorum per dilectum filium Franciscum Diaz a Sancto Bonaventura Fratrem expresse professum dicti Ordinis, ac eorum Missionariorum in Romana Curia Procuratorem Nobis nuper expostum fuit, duæ Confraternites in honorem Sanctissimi Eucharistie Sacramenti, ac Beatissime Virginis Mariæ in diversis Christiani Orbis partibus opera, & solicitudine Fratrum prælatorum, non solum in utriusque sexus personarum obedientia, seu directioni Ministri Generalis ejusdem Ordinis Subditarum, sed etiam in aliis omnimodæ Ordinariorum Locorum Jurisdictioni, subjectis Ecclesiæ canonice jamdudum institutæ, ac pia memor. Leone X. per suas Literas incipientes - *Cum in honorem, &c.* anno 1517. expeditas, & forsan aliis Romanis Pontificibus, etiam Prædecessoribus Nostris approbatae, ad unam subinde Confraternitatem dumtaxat sub titulo decem Virtutum, seu decem Beneplacitorum ejusdem Beatiss. Virginis

Mariæ

Decretum Congregationis, quo declaratur, Confraternitates SS. Corporis Christi ex concessione Pauli III. etiam post Constitutionem Clem. VIII. esse participes Indulgenciarum &c.

Ab Innoc. XI. confirmatum fuit regatum Decretum.

Causæ Extensionis, & precis Missionariorum Minorum de Observ.